

Բողոքական աւիարհից.

Бирж. Вѣд. դեկտ. 22-ի համարի մէջ կարգում ենք.

Պրուստիայում այժմ տեղի ունի բողոքականներէ շար-
 փումն դպրոցական օրինագծի դէմ, որ պրուսական կառավա-
 րութիւնը առաջարկել է ազգային ժողովին (Լանդտագին):
 Ազատամիտ շրջաններէ դժգոհութիւն յարուցանող գլխաւոր կէ-
 տերն են 18 և 9 դ պարագրաֆները: Նրանցից առաջինով ու-
 սուցիչը պէտք է լինի այն դաւանութեան, ինչ դաւանութեան
 որ պատկանում է աշակերտների մեծ մասը: Եթէ աշակերտ-
 ների $\frac{2}{3}$ -դ մասը բողոքական են, այդ գէպըում ուսուցիչն էլ
 պէտք է բողոքական լինի, իսկ եթէ $\frac{2}{3}$ կաթոլիկ են, ուսուցիչը
 պէտք է լինի կաթոլիկ: Իսկ 9 դ յօդուածը համայնքներից
 խլում է ուսուցիչներ նշանակելու իրաւունքը և տալիս այն
 հոգևորականութեան ներկայացուցիչներին և կառավարութիւ-
 նից նշանակուած տեսչութեան: Ինքն ըստ ինքեան պարզ է, որ
 այդ օրինագիծը ժողովրդական դպրոցը կը դարձնի կրօնական
 պրօպագանդի կեդրոն և կառավարութեան կողմից այդ առա-
 ջարկը լինում է ի հաճոյս կեդրոնի (պահպանողականների), «որը
 վճռական կուսակցութիւն է» րայխստագում և այդ կուսակ-
 ցութեան աջակցութիւնը ներկայումս կառավարութեան համար
 հարկաւոր է մի շարք օրինագծեր անցկացնելու համար. օրինակ
 նաւատորմի ուժեղացման մասին և այլն: Կառավարութեան
 կարծիքով երկրի կուլտուրական զարգացման շահերը կարելի է
 զոհ բերել համաշխարհային քաղաքականութեան: Կեդրոնի ազ-
 դեցութիւնն այժմ այնքան մեծ է Գերմանիայում, որ քիչ
 փամանակ առաջ չէր կարելի կասկածել, որ այդ օրինագիծը՝
 հակառակ իւր յետադիմութեան, չի անցնիլ: Իսկ այժմ անընդ-
 հատ աճող ընդհանուր դժգոհութեան շնորհիւ, այդ օրինագծի
 ելքն արդէն կասկածից դուրս է: Օրինակ. Բերլինում տեղի
 ունեցաւ պրուսական ուսուցիչների համաժողով, որը ամե-
 նակարուկ կերպով կարծիք յայտնեց ընդդէմ դաւանական
 դպրոցի և յօդուած կառավարութեան ծրագրի ձայն տուին մի
 միայն չորս հոգի: Համաժողովը նոյնպիսի մեծամասնութեամբ
 կարծիք յայտնեց և դպրոցական վարչութեանց կղերականաց-
 ման մասին: Նման վճիռներ ընդունեց և պրուսական վարժու-
 հիներէ համաժողովը: Այս յունվարին Բերլին պէտք է հաւաք-
 ուին նաև քաղաքների ներկայացուցիչներ, որոնք ուղում են
 բողոքել այդ օրինագծի դէմ: Գաւառական քաղաքներում
 նոյնպիսի ժողովներ տեղի ունին և եթէ այդ ձևով շարունակ

ածելու լինի դժգոհութիւնը, կառավարութիւնը ստիպուած կլինի յետ վերցնել իւր յետադիմական օրինագիծը:

Տանկական կեանքից.

Перк. Вѣст.-ի № 46 ում կարդում ենք.—

Տանկաստանում վերջին ժամանակներս առաջ եկան շատ նշանաւոր ներքին դէպքեր, որոնք մեծ վտանգ են սպառնում քրիստոնեայ աշխարհին: Համիսլամականութեան արքնանայր— ահա այդ սպառնաց սարսափներով հարուստ շարժման բնորոշ անունը: Ներկայ սուլթան Աբդուլ Համիդի սիստեմատիքական գործունէութեան շնորհիւ, որը ձգտում է վերածնել և միացնել մահմէդական ազգերը «Աստուծոյ փոխանորդի» դրօշակի տակ՝ ռուսական պետական կազմի լախտման, արեւմտեան եւրոպայի հոլանաւոր վարմունքի շնորհիւ համիսլամականութիւնը գարթեց իւր երկարատե քնից և դադանի սրում է իւր սուսերը քրիստոնէից դէմ և պատրաստուած յաղթական արշաւանքի ընդդէմ քրիստոնէութեան, ինչպէս այդ տեղի ունեցաւ ըիւզանդական կայսրութեան դէմ միջին դարերում կատարուած տարերային արշաւանքի ժամանակ: Արդէն արտայայտուած է այդ արթնացման արդիւնքը հայերի և բալթարների կոտորածով, որը տաճկաց կառավարութեան կողմից հետեողական մի փորձ է քրիստոնեաներին զրկելու այն իրաւունքներից, որոնցով նրանք օգտուել են ըիւզանդական կայսրութեան անկման օրից: Helinisme թերթը, որ արթուն աչքով հսկում է քրիստոնէից շահերի պաշտպանութեանը արեւելքում, հաստատելով համիսլամականութեան արթնանայրը, նախադրուշացնում է դաւիթ վտանգից:

«Ռուսական բանակի և նաւատորմի անսպասելի պարտութիւնները ստիական պետութիւնից, ասում է նա, որ հաղորդւում էր այստեղ, բորբոքեցին մուսուլմանների տաք երեւակայութիւնը և վերածնեցին ամբողջ մահմէդական աշխարհի աշխարհակալական ոգին: Քաղաքակիրթ մարդկութեան սպառնացող դեղին վտանգին միանում է՝ նրանից ոչ պահաս սարսափելի կանաչ վտանգը հոգեւոր միեւնոյն կանաչ դրօշակի տակ համախմբուող 300 միլլիոն մահմէդականներից: Այժմս կասկած չկայ, որ կը գօրանայ համիսլամականութեան Ա.սիայի և Ա.Ֆրիկայի քարոզիչներէ եռանդը՝ իրենց օջախ Ստամբուլի հետ միասին»: